



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VIII. Arnulphus publicè profitetur violatam à se fuisse fidem Regi debitam.
Brochardus Comes petit ut proditionis crimen expressè profileatur.
Intercessit Arnulphus Episcopus Aurelianensis, dicens ...

urn:nbn:de:hbz:466:1-15617

ut ab electis judicibus provocari non liceat. Tum tres rursum Episcopos confessionis sue testes postulavit; quam scripto & viva voce per aversionem confirmavit, dicens se indignum esse episcopatu ob sua crimina. Post quæ damnatus fuit ab Episcopis, dicentibus per ordinem omnibus: Secundum tuam confessionem cessa à ministerio; ut adnotavit Hincmarus in posteriori opere adversus Gothef. calcum cap. xxxvi. Ceterum præter judices electos ad confessionem criminum, alij quoque eligi poterant ad ea convincenda, aut pro judicandis quæstionibus canonicis, cum appellabatur à Metropolitano; quemadmodum usurpatum est ab Hincmaro in Concilio Sueffionensi anno octingentesimo sexagesimo tertio.

VI. His positis videmus in actis Arnulphum quatuor Episcopos seu confessores elegisse, & una cum iis secessisse *in crypte secretiore pariem*. Facta autem ab eo confessione proditionis, confessores evocant alios Episcopos, cisque annuntiant *Arnulphum cum lacrymis & gemitu sua crimina sub nomine confessionis declarasse*, sique à sacerdotali officio, que hactenus indignè usus fuerat, removeri velle. Tum eum omnes Episcopi horrantur, sub poena anathematis, ne quid adversus veritatem fateatur. Nihilominus ille in confessione sua perficit. Præterea ab eo postulant ut Abbates & Clericos, qui in synodo aderant, evocari finat, testes futuros ejus confessionis; ea tamen cautione, ut jurando aut anathemate injecto adigendi antea sint ad sponzionem silentij. quod impetratum est. His actis, synodus existimat depeni deinceps Arnulfum posse; quoniam neque Papam appellaverat ante electionem judicum, quod tamen potuerat, neque postquam ij electi fuerant. Quo sanè casu rejicienda prorsus fuisse ejus appellatio, cùm non liceat appellare à judicibus electis.

VII. Adfertur exemplum Potamij Archiepiscopi Bracarense in Concilio Toletano decimo depositi postquam impudicitiam suam scripto confessus fuerat; itemque exemplum Ebonis, qui crimen suum confessus est Episcopis quos sibi confessores elegerat. Vnde colligit synodus Remensis canonice deponi Arnulphum posse, & alium in loco ejus ordinari.

VIII. Reges Hugo & Robertus ejus filius ad synodum veniunt *cum primoribus patetij*. Arnulphus introducitur, & publicè profitetur violatam à se fuisse fidem Regi debitam. Tum Comes Brochardus postulat ut ex professè fateatur proditionem, ut alias dein Episcopus canonice ordinari possit in

loco ejus. Intercessit Arnulphus Episcopus Aurelianensis, vetus antistes, dicens confessionem nemini singillatim fieri posse nisi Presbyteris, satisque esse si reus crimen suum verbis generalibus publicè confiteatur, infidelitatis enim confessionem in aversione factam sufficere ad depositionem. *Imo, inquit pater Arnulphus, non eritis hodie pares sacerdosibus, quibus solis pura debetur confessio.* Vno verbo, decernitur Arnulphi depositio. Quo factō, se in terram ille in modum crucis prosterrens coram Regibus, eis cum lacrymis & singultibus supplicat ut veniam sibi tribuere velint. Archiepiscopus verò Bituricensis vitam & membra pro Arnulpho nomine totius synodi petit à Regibus. quod ab eorum pietate concepsum est.

X. Arnulphus subscriptis actis sua confessionis, secundum formulam ab Ebbone prædecessore suo relictam; cuius heic verba describam, ut appareat discriben quod intercedit inter resignationes episcopatum quæ nunc fiunt ablique causa, & eas quæ ætate illa fiebant ob crimen. *Ego Arnulfus quondam Remorum Archiepiscopus, recognoscens fragilitatem meam & pondera peccatorum meorum, testes confessores meos Siguinum Archiepiscopum (& alios duodecim, quos nominat) constitui mihi judices delictorum meorum; & param ipsis confessionem dedi, querens remedium paenitendi & salutem anime mee, ut recedrem ab officio & ministerio pontificali, quo me recognoscere esse indignum, & alienum me rediens pro reatibus meis, in quibus peccasse me secretio ipsis confessus sum, & de quibus publicè arguebar; eo scilicet modo, ut illi sint testes alij succendi & consecrandi in loco meo, qui dignè praesse & professe possit Ecclesiæ cui habentus indignus prefui.* Et ut inde ultrà nullam repetitionem aut interpellationem auctoritate canonica facere valeam, manu propria mea subscribens firmavi.

X. At depositio illa Arnulphi, ac Gerberti successoris ejus ordinatio, offendit Ioannem X V. Papam, qui Episcopos hujus rei autores suspendit à divinis. Gerbertus Senonensi Archiepiscopo Seguino scriptis obsequendum non esse huic suspensioni, quod adversus canones decreta esset. Hugo verò Rex Ioannem Pontificem orat ut ea approbet quæ apud Remensem urbem acta fuerant; vel si id non velit, saltem Gratianopolim usque accedat, ut de hoc negotio tractare cum Rege possit viva voce; aut in Galliam veniat, ubi honor ei multis habebitur. Tum addit: *Hoc ex integræ affectu dicimus; ut intelligatis & cognoscatis nos & nostros vestra nolle declinare iudicia.*

XI. Tandem Pontifex Leonem Lega-